

Luguru - Ukombotsi Ghamaandiko Mahenzeluka - Salvation Scriptures

WaEfeso 2:2 Ghumwande tsamtsiwinza nzila tsihile tse iwanu we isi yose, tsamng'ali mwomtegheletsa mkulu wa pfinyamkela wane ngupfu wa mlanga, pfinyamkela iwowatawala iwanu wala iwolema kumuhulikitsa Imulungu.

Matei 6:10 Undewa wako utse ghaubama ghatendeke mne isi ka kulanga.

Luka 22:42 “Ghwe Aba, ung'abama uchilapfe ichikombe chino kuna nene. Lekeni si ka pfanibama nene bae, lekeni ka pfubama ghweghwe.”

Yohane 16:7-9 Lekeni nowalongela ghendo, pfinogha kuna mwemwe nene mbuke, kwaapfila ka sikuka bae, Mwapfitsi ng'atsowatsilani. Lekeni ning'aghenda, nitsomghalilani. 8 Naye hayatsakutsa, katsolangusa iwanu wa iisi ka wakwalangula pfihile mne mbuli tsa nzambi, na mne mbuli tsa kutenda haki na Imulungu pfayohigha. 9 Tsawatotsa mne mbuli tsa nzambi, kwaapfila ng'awanitoghole,

2 Timoteo 2:10 Apfo nodudumila pfinu pfose kwaajili ye iwasaghulighwe ne Imulungu ili nawo wapate ukombotsi iuli mghati mwa Kiristu Yesu, hamwe ne utunitso wa ghamatsuwa ghose.

WaRoma 15:20,21 Chonibama nene ghamatsuwa ghose nipete Imbuli ye Imulungu mne isi tsila ng'ana Kiristu yamanyike bae, ili ndeke kutsenga mna lukwalambatsa Iwikighwe ne imunu yungi. 21 Ka Ghamaandiko Mahenzeluka pfogholonga, “Awala ng'ana walongelighwe mbuli tsake, watsakona, na awala ng'ana wahulike bae mbuli tsake, watsomanya.”

Ghamatendo 2:36,37 “Apfo iwanu wose wa Isiraeli wobamighwa wamanye ghendo, Imulungu kamtenda ayu Yesu imumuwambile mna msalaba yawe Imtwatsa na Kiristu Mkombotsi.” 37 Iwanu hawahulike agho, ghawahoma ghendo mmoyo, wawaghutsa Petiri na iwatumighwa wang, “Ndughu tsetu, lelo tutendatse?”

WaEburaniya 4:2 Kwaapfila Imbuli Inoghile tsaipetighwa kuna twetwe ka pfaipetighwe kuna wawo iwanu wa ghumwande. Lekeni usenga awo ng'auwapfile chinu bae, kwaapfila tsawahulika ila ng'awaubokele kwa ukutogholo.

Yeremiya 24:7 - Matei 22:37 Yesu kedika, “ ‘Mnoghele Imtwatsa Imulungu wako kwa ghumoyo ghwako ghose, kwa muhe wako wose, na kwa tsimbutsi tsako tsose.’

Ghamatendo 16:14 Mna awala iwatutegheletse tsakukala ne ipinga yumwe

**iyompfuka Imulungu. Tsakakemighwa Lidiya, ipinga ayo kolawila mne
ghumji ghwa Tiyatira. Yeye tsaang'ali youtsa maghwanda gha bei ng'ulu.
Imulungu tsakapfughula ghumoyo ghwake kubokela aghala ghayalongile
Pauli.**

**Matei 13:14-16 Na aghala ghalongile nabii Isaya ghatimila kuna wawo,
'Mtsotegheletsa na ukutegheletsa, lekeni ng'amtsomanya bae. Mtsolola
na ukulola, lekeni ng'amtsakona bae. 15 Mana imimoyo ye iwanu iwa
mitito, kwa ghamaghutwi ghawo ng'awohulika pfinoghile bae, na
tsinenge tsawo wafinyilitsa, hela wang'onile kwa tsinenge tsawo,
wang'ahulike kwa ghamaghutwi ghawo, wang'amanyile kwa imimoyo
yawo, wang'anihundukile, nani ning'awahonetse.' 16 "Lekeni mwemwe
mbweda! Kwaapfila tsinenge tsenu tsakona na ghamaghutwi ghenu
ghohulika.**

**Isaya 6:9,10 - Ghamatendo 28:27 kwaapfila imimoyo ye iwanu wano
mikomu, maghutwi ghawo waghadiwa, tsinenge tsawo watsifing'ilisa.
Waleke ukwona kwa tsinenge tsawo, na kuhulika kwa maghutwi ghawo,
na kumanya kwa imimoyo yawo, watsileke nzila tsawo tsihile, kuya
niwahonetse.'**

**Maliki 4:11,12 Yesu kawalongela, "Mwemwe mwing'ighwa imbuli ifisighwe
ya Undewa we Imulungu. Lekeni awala iwali kunze, wohulika ipfinu kwe
imifano 12 ili, 'Walole, lekeni waleke kwona, wahulike, lekeni waleke
kumanya. wang'amanyile, wang'oyile kwe Imulungu, naye
yang'awaleghusila nzambi tsawo.' "**

**Yohane 12:39,40 Apfo ng'awadahile bae kutogholia, kwaapfila Isaya pfipfila
tsakalonga keli. 40 Imulungu kalonga, "Nitsowabopfula nenge tsawo,
nitsotsibumbuwatsa mbutsi tsawo, waleke kwona kwa tsinenge tsawo,
waleke kumanya kwa mbutsi tsawo, waleke kunihundukila, na
kuwahonetsa."**

**WaRoma 11:7,8 Lelo choni? Iwanu we Israeli ng'awachonile bae achila
chawang'ali wochibama, lekeni awala iwasaghulighwe wachona.
Wamwenga tsawatendighwa wasughu. 8 Ka pfaghlonga Ghamaandiko
Mahenzeluka, Imulungu kaweng'a imimoyo mikomu, kaweng'a tsinenge
lekeni ng'awakona bae, kaweng'a maghutwi lekeni ng'awohulika bae
mbaka leloli.**

**2 WaTesalonike 2:10,11 na kutumila ghose ghehile kuwaghutsukila wose
iwakwaghwa. Hawo watsokwatha kwaapfila ng'awaubokele bae na
kuunoghela ukweli ili wakombolighwe. 11 Apfo Imulungu kawaghala
iwanu awo ingupfu ye ukwaghwa ili wautoghole ughutsu.**

Matei 13:18-23 “Lelo mtegheletse mana ya ghmfano ghwe imunu iyohanda. 19 Imunu wowose iyohulika imboli ya undewa lekeni ng’oielewa bae, ayo keghala na tsimbeghu itsilaghalile mnzila. Yehile kakutsa koboka achila ichihandighwe mghati mwake. 20 Tsimbeghu tsila itsilaghalile mna ghamabwe tseghala ne imunu yohulika imboli na bahala koibokela kwa ndeng’elelo. 21 Lekeni kwaapfila kahela imitsitsi, kodudumila chidogho. Ghamaghayo na kudununzika pfing’atsa kwaajili ye imboli, baho kakughwa. 22 Tsimbeghu itsilaghalile mne tsimiwa tseghala ne imunu yula iyohulika imboli, lekeni sang’ano tse ughima uno, na kunoghela sideke utajili woihinya imboli ayo, nae ng’akweleka bae ghamatunda. 23 Na tsimbeghu itsilaghalile mne lidongo linoghile tseghala ne imunu yula iyohulika imboli ayo na kuielewa. Hayo kakweleka ghamatunda, yungi mia imwe, hayu sitini na yungi selathini.”

2 WaKolinto 3:15,16 Hata leloli hawosoma Malaghitso gha Musa, chighubiko choghubika mbutsi tsao. 16 Lekeni chighubiko acho cholapfighwa ahala imunu ang’amuyila Imtwatsa.

Hosea 11:3-7 - Matei 11:28-30 “Mtse kuna nene, mwemwe wose imdununzighwa ne imtsigho mitito, na nene nitsowatenda mbwihile. 29 Msole nira yangu, mwilangulitse kulawa kuna nene, kwaapfila nene nihola kuya na mwenyepfale we ghumoyo, namwe imimoyo yenu itsobwhila. 30 Kwaapfila nira yangu ndeke, na mtsigho ghwangu mbewe.”

Ghamatendo 26:18 uwafumbule nenge tsawo na kuwalapfa mchisi wengile hatselu, walawe mne ingupfu ya Setani, wamghalukile Imulungu, kwa kunitogħola nene, waleghusighwe nzambi na wahale hamwe na wose iwasaghulighwe ne Imulungu.’

2 Timoteo 2:24-26 Mtumwa we Imtwatsa ng’esonja bae. Yahole kwe iwanu wose na yadahe kulangulitsa na yadudumile, 25 yawakanye kwa uhole awala iwohisanya naye, kwaapfila Imulungu kodaha kuwatenda watogħole nzambi tsawo na kutsileka na waumanye ukweli, 26 ili tsimbutsi tsawo tsiwoile na kulawa mne chonzo cha Yehile iyawonzile na kuwatenda watende pfobama yeye.

Ughubulo 3:17-19 Ghwiegħwe kwelongela, kuna mali, kwenela, ng’ubama bae chinu chocħose, kumbe ghwiegħwe ng’umanya bae ka kwa mnyonge, kwobama wonelighwe libatsi, ghwiegħwe kwa muhingwa, kwa chifita na kwa chidako! 18 Wime nikulongotse, ughule kuna nene nzahabu ilakatsighwe mmoto ili uwe tajili. Pfipfila ng’apfu ughule maghwanda matselu ili ughubike chinyala cha ukukala chidako. Pfipfila ughule dawa

wibake mne tsinenge tsako ili udahe kwona. 19 Imunu wowose iyoninoghela, nomlonga na nomkanya. Apfo uleke ghehile kwa ghumoyo ghwako ghose.

2 WaKolinto 7:10 Usungu iughalighwa ne Imulungu woghalusa ghumoyo, na kughala ukombotsi ulihela majuto. Lekeni usungu we chimunu womghala imunu mlifwa.

1 Iwandewa 18:37 - Imulungu turn heart back to Imulungu.

2 WaKolinto 4:4 Hawo ng'awotogħola bae kwaapfila imulungu yehile we isi ino katsighuma ichisi tsimbutsi tsawo waleke kuwona għumwanga we Imbuli Inoghile ye utunitso wa Kiristu, iyegħalile ghendo ne Imulungu.

Luka 8:11-15 “Aino mana ye imbuli ino. Mbegħu yolangusa imbuli ye Imulungu. 12 Tsimbegħu itsilagħalile mnzila tsolangusa iwanu iwoħulika imbuli ye Imulungu, lekeni Setani kakutsa na kuisola imbuli kulawa mne imimoyo yawo, ili waleke kutogħola na kukombolighwa. 13 Tsimbegħu itsilagħalile mne lidongo lili mbambalawwe tsolangusa iwanu iwoħulika imbuli ye Imulungu na kuibokela kwa kudeng'elela, lekeni ng'aitsama bae mghati mwe imimoyo yawo. Woitogħola kwe ichipindi chidodo, lekeni mne ichipindi cha kugħetsighwa na Setani, webaghula. 14 Tsimbegħu itsilagħalile mwibagħo tsolangusa iwanu iwoħulika imbuli ye Imulungu lekeni pfawoghendelela, imbuli ye Imulungu yohinyighwa na magħayo, ndeng'elelo, na tṣimali tse isi. Iwanu awo ng'awokweleka għamatunda ghakomale bae. 15 Lekeni tsimbegħu itsilagħalile mne lidongo linoghile tsolangusa iwanu iwoħulika imbuli ye Imulungu, woibokela na woitogħola kwe imimoyo yawo na wodudumila mbaka wokweleka għamatunda.”

Għamatendo 15:11 Lekeni twotogħola kuwa twokombolighwa kwa uluso we Imtwatxa Yesu, ka wawo pfawtotogħola.”

WaRoma 8:13 Kwaapfila mng'akala ka ng'uli pfatsibama, mtsakufa ghendo. Lekeni ka kubitila Ghumuhe mwogħakoma aghħala għejha ighatendīgħwe na lukuli, mtsokala wagħima.